

吳越備史

二

吳越備史卷第二



武勝軍節度使掌書記范垕

武勝軍節度巡官林典撰

文穆王

文穆王諱元確字明賢武肅王第七子也母晉國昭懿太夫人陳氏唐光啓三年丁未冬十一月十有二日生于杭州之東院先是有胡僧持一玉羊

大可數寸光彩異常

以獻武肅且曰得此當生貴子王果以丁未生烏鰲寧元年二月授鹽鐵發運巡官奏授金部郎中賜金紫天復元年八月改授禮部尚書遷領邵州刺史九月壬子王祖妣

秦國太夫人水止氏薨二年徐綰許再思構宣城觀察使
田頔同劇我壘頔敗率徐綰再思回宣州憲我師逐之乃
懇質武肅王。歷選諸子不應命時王尚幼請行莊穆夫
人聞之泣曰置我兒子虎口也王曰亡身以紓國家之難
亦足以報効勞耳雖死無恨乃再拜而出武肅王奇而送
之王自北門躡絕梯而下以赴頔營初頔附于淮人及還
宣城而頔叛淮帥會我師以攻之頔每戰不勝歸必求王
將肆其毒頔母老且賢常加保護天祐元年十月我師與
淮人攻之甚急頔將出戰乃曰今日不勝必殺錢郎其母
目而送之且曰鼠輩死不旋踵矣是日果陷于宛水橋為

亂兵所殺賊衆尚擾我師提顯首以示之賊衆遁散顯母
遂奉王歸我師衛而歸焉二年春正月制授王檢校右僕
射八月靈州刺史盧約弟佖寇永嘉開平元年正月武肅
王命王伐永嘉四月斬盧佖而還

時盧佖列巨舟四十艘于清渙海門以邀我師王謂諸
將曰賊之銳卒盡在此矣宜勿與戰當有他道徑襲賊
壘出其不意必成禽也于是由安固江登陸而襲之佖
由是就執

師還承制改王衛內都指揮使檢校尚書右僕射冬十月
授王金紫光祿大夫檢校司空五年秋七月賜號王贊正

安國功臣進授司徒守湖州刺史乾化三年夏四月淮將
前吉州刺史李濤率兵二萬自千秋嶺寇我衣錦軍武甯
命王率師討之王以山谷迂僻乃盡伐樹木絕其歸路為
三覆以待之時江南國主徐知誥在賊中與王騎相逼僅
獲之俄而知誥易服乘白驃而竄壬辰獲李濤及偏將咸
知進等八十餘人兵甲生口稱是
是行也王營中有氣如龍虎之狀賊中望之有曰此霸
者之氣也

五月王復率騎兵攻宣州廣德縣城未拔有登城詬辱我
師王怒奮擊之六月己卯城陷王手刃二百餘人藉藁而

行獲將花虔渴信及吏卒七十餘人殺戮凡二萬四千而還

先是有日者視王曰公手刃百人當大貴時又有僧名自新常衣紙住廣德山院王至衆皆遁而自新巍然晏坐軍中有詰其不去者自新曰前後上右皆兵耳去將安適時王自襄中自新忽見之乃歛衣奉迎與語久之及王還遂載而歸後王問自新當時何以見識自新曰微僧與他術但觀王在萬衆中骨法獨異與咸通皇帝御容頗相類故亦幸得一識也

冬十月勅授王樞校太保依前湖州刺史大彭縣開國男

食邑三百戶四年夏六月制授王特進光祿大夫開國侯
食邑一千戶秋九月王率師攻常州無錫縣丁未克之獲
其將朱超等五百餘人而還貞明元年春正月勅授王鎮
海軍節度使土客諸軍都指揮使湖州刺史如故三年夏
六月制加王檢校太傅增食邑五百戶五年夏四月王率
水師大小戰艦五百餘艘皆刻龍形自東州發艦徑伐淮
南時淮南遣將彭彥章陳涉等大戰于狼山江將戰之夕
王呂指揮使張從寶計之曰彼若徑下當避其初以誘之
制勝之道也乃命軍中宿理帆樯每舟必載石灰黑豆江
砂以隨焉翌日昧爽淮人果乘風自西北而下危樯巨艦

勢若雲合我師皆避之賊舟既高且巨不能復上我師反乘風以逐之復用小舟圍其上右賊迴舟而開因揚石灰賊不能視及輓轡相接乃撒豆于賊舟我舟則砂烏戰血既漬踐豆者靡不顛踣命進火油焚之

火油得之海南大食國以鐵筒發之水沃其燭弥盛武肅王以銀飾其筒口脫為賊中所得必剝銀而棄其筒則火油不為賊所有也

斬其將百勝軍使彭彦章

一作章

獲士卒七十餘人賊船四

百餘艘餘皆焚之其斬馘之甚自江及岸數十里皆殷焉淮師自是遂求通娉

王之是行也舟次狼山江之石牌灣有石幢大署其文
曰向後有木龍五百來至此真聖其勝也

秋七月王復戰于毘陵之無錫縣偏將曾雲奔于賊我師
不利王騎逼高岸賊將追及乃舉策私誓曰天必助我馬
當躍上不然則墜我于此馬果一躍而登岸既而復整行
伍破賊而還冬十一月丁亥王妣吳越國莊穆夫人薨六
年冬十月勅遣衛尉卿兼通事舍人陳琮授王檢校太傅
同中書門下平章事充清海軍節度使餘如故龍德二年
春正月勅王特進檢校太尉兼侍中加食邑三百戶仍賜
臣扶定亂立正至道功臣同光二年冬十月制授王開府

儀同三司檢校太師兼中書令依前清海軍節度使兼充
兩浙節度使觀察留後遣進奉使姜輯將命焉天成元年
四月武肅王不康因如衣錦軍命王監國仍俾便宜從事
武肅王至自衣錦軍而中外無所專命武肅王嘉歎久之
九月制加王食邑一千戶實封一百戶

一夕王夢神人賁骨一副易王頂及醒尚痛焉

三年春二月遣閤門通事舍人李韞授王鎮海鎮東等軍
節度使杭州越州大都督長史加食邑一千戶實封二百
戶秋七月己巳忠獻王生

初武肅王將屬王以冢嗣乃命諸子有功者數人謂曰

爾無隱情各言爾功以定厥後王兄中吳軍節度使元
諒王弟清海軍節度使元璘寧國軍節度使傅環洎諸
公子等皆上言王功德高茂是宜委副故以西鎮屬焉
及武肅寢疾一日命出玉帶五賜王兄弟命王先擇之
王乃取其狹小者武肅王大悅謂王曰吾有汝瞑目無
恨矣

四年秋八月己酉令大元帥吳越國王弘倣生五年夏五
月制加王食邑一千戶實封一百戶郊恩也長興三年春
三月己酉大雪二十八日庾戍武肅王薨王哀痛終日四
日不食上右勅以粥夏四月己未王即位悉用藩服之儀

從治命也赦境內凡一應荒絕田產尚隸租籍者悉免之
中外頗賚有差

自今年孟春洎是月陰晦弥日及王親事之日至是澄
霽中外咸悅

是月庚午奉武肅王靈輅殯于衣錦軍之正寢秋八月楚
帥馬希聲殂弟希範嗣

癸巳四年春正月福州王延鈞僭稱帝更名璘三月勅遣將
作監李錡光祿少卿張袞來歸我先王之賵又遣引進使
楊彥珣授王起復雲麾將軍上金吾衛大將軍員外置同
正員王元中吳軍節度使元璵檢校太師兼中書令王弟

清海軍節度使元璿檢校太傅同中書門下平章事餘如
故夏四月淮南僞客省使許確百濟國太僕卿李仁旭各
來祭我先王秋七月勅遣郎中張洵授王中書令進封為
吳王是月者曷偽上僕射何瑱亦來祭我先王九月勅遣
侍郎張文寶來宣諭

文寶泛海而來被風壞船飄至天長吳主厚禮之及賞
從者錢帛等數萬文寶獨受飲食餘皆辭之吳主嘉之
竟抵杭

冬十一月明宗崩宋王從厚即位是為閔帝十二月庚戌
寧國軍節度使同平章事檢校太傅王元元璿卒

璣王之庶兄也母廢安夫人胡氏公性氣寬厚沉靜寡
言多尚儒粹不喜奢侈歷官數年黎庶安樂早失夫人
終不棄娶之嗣

是歲順化軍節度使判明州王弟元珣召歸錢塘懲虐政
也

甲午應順元年春正月閏帝改元大赦勅遣鞍轡庫使王延
緬來宣告仍賜國信尋又遣散騎常侍孔昭序駕部員外
郎張傳冊王為吳越王是月大雪平地五尺壬午奉葬先
王于茅山閏月蜀帥孟知祥僭稱大蜀皇帝年號明德夏
四月潞王從珂率兵入洛逐閏帝而自立改元清泰六月

勅遣給事中張延雍兵部員外郎馬義冊王為吳越王秋
七月偽蜀孟知祥殂子晟嗣

乙清泰二年春三月制授靜海軍節度使檢校太保中書
令王弟元球守太師秋七月甲辰西方慶雲見重建開元
宮追福于先王也

丙三年春正月勅遣禮部尚書李懌戶部郎中姚遐齋奉
吳越王金印至歸舊物也秋七月勅建先王廟于東府是
月制授王部將保順軍節度使鮑君福檢校太尉同平章
事冬十月偽閩王昶弑其父延鈞而自立年號通文十一
月契丹立石敬瑭為晉皇帝于洛大赦改元天福潞王自

殺十二月勅授王天下兵馬副元帥

丁天福二年春正月朔日有蝕之勅遣供奉官周彥環賜
國信二月淮南以徐知誥為齊王建國于金陵是月己酉
夜暴雨自西北起連日至壬子有海魚二尾各長五十餘
尺一死于桐廬一死于餘姚江三月靜海軍節度使王弟
元球順化軍節度使王弟元珣並有罪命死王許以公禮
葬其麾下卒伍悉宥之

元球元珣數有軍功先王賜有兵仗及王立元球等恃
恩驕橫增置兵仗諸將吏告元球遣親信禱神求主吳
越又為蠟丸與元珣議謀王不信諸將復告王乃召元

球元珣宴後宮既至上右告元球等有刃于懷袖即皆
格殺之王欲按諸將有交通者姪仁俊諫曰首先武破
王郎曹公破袁紹皆焚其書疏以安反側宜放之王乃
止

夏四月勅遣禮部尚書程遜兵部員外郎韋稅封王為吳
越國王仍賜天下兵馬副元帥金印一面甲午王即位建國之
儀一如同光故事仍赦境內今年租稅之半是月晉主遷
都于汴秋七月制削元球元珣在身官爵任便處置八月
辛巳王大閱于北郊是月偽吳楊氏遜位于徐知誥戊申
王新建五廟于城南九月乙卯王親祀五廟冬十一月乙